

Doeg《Gungqlungz Caeuq Baeuciqyouq》Naemj Daengz

《龙虾和寄居蟹》读后感

《Baihnaaj Daemdengj Mbouj Ngaem Gyauej》bonj saw neix miz bien faenzcieng ndeu heuh 《Gungqlungz Caeuq Baeuciqyouq》, gou doeg le naemj daengz haujlai.

Youq ndawhaij laenggau' ngau haenx, gungqlungz caeuq baeuciqyouq dwg baengzyoux ndei, baeuciqyouq yawjraen gungqlungz siengj daj ndawgyap swheij ndonj okdaej, laihnaeuz baengzyoux swheij siengj mbouj hai, couh gienq de. Gungqlungz mbouj gangj gijmaz, cigdaengz de daj ndawgyap ndonj okdaej le, cix caemdingh dwk hoizdap: "Dou moix baez majhung cungj dwg sien duet gyap gaeuq, cij ndaej majok gij gyap engq ndongj daej, seizneix mienhdoi yungyiemj, couh dwg vihliux daengz cog engq ancienz." Baeuciqyouq dingq le lumj-

baenz naemj daengz maz. Caez youq ndawhaij ragwn, swheij daengxngoenz cix dwg nyaengq dwk ra dieg ndoj, coengzlaiz mbouj siengj gvaq guhlawz hawj swheij bienq ak.

Bien faenzcieng neix hawj gou rox daengz: Gaej cungj siengj ndojdeuz, raeuz wnggai mbeilaux bae mienhdoi sojmiz hojnanz. Cijmiz ginggvaq hojnanz muzlien baez dem baez, raeuz cijnaengz bienq ndaej yied daej yied ak, cijnaengz engq ndei mienhdoi deuqnyex baezlaeng. Danghnaeuz dan lumj baeuciqyouq ityiengh cungj siengj ndojdeuz, mbouj hawj swheij bienq ndaej engq ak, cungj dwg yousim gvaq ngoenz. Miz gawq vah mizmingz naeuz: "Gaej vih caijsoq ndei couh swheij fungsak, gaej vih cainanh couh doeknaiq

nueknuek. Caen dwg bouxak, couh aeu daj mwh guh ndaej swnh rox hojnanz, daj mwh guh mbouj swnh ra ronghsag, seizseiz doiqcinj gij muzbyauh swheij." Gawq vah neix dwg Yi Buzswnggh gangj.

Gwnzloh buekguh cungj dwg bungz daengz haujlai hojnanz, danghnaeuz mwngz cungj ndojdeuz, couh bienq baenz mbang de; danghnaeuz mwngz byaij daengz lajndit, lajdin couh dwg diuzloh gvangqlangh. Mwngz youq mwh majhung engq wnggai miz maqmuengh, miz gyaaz, diemjrongh gyaaz, cienzndenq gyaaz. Raeuz aeu mbeilaux mienhdoi hojnanz, gaej baez nyangz daengz hojnanz, couh siengj banh fap ndojdeuz. Seizneix, mwngz wnggai siengj banh fap mienhdoi hojnanz, hoenx hingz hojnanz,

cijmiz mwngz hoenx hingz hojnanz baezneix, mienhdoi hojnanz baezlaeng mwngz cijnaengz guh ndaej engq ndei. Mwngz couh ciemhciemh yawjraen, swheij hix bienq ak haujlai, mbouj caij lumj gaxgonq, baez bungz daengz hojnanz couh ndojdeuz, cungj mbouj siengj mienhdoi. Cuih vunz raeuz aeu mbeilaux, hoenx hingz sojmiz, mboujnex mboujmiz yi yi.

Bien faenzcieng neix lwnh raeuz, bungz daengz hojnanz mbouj ndaej ndupdaug, aeu mbeilaux baenaj, bae ra giz ronghsag, swnh gij ronghsag, deuz ok giz laepngau.

(Sanglinz Yen Dafungh Cin Vangzcouh Siujoyz haj nienzgaep Moz Yenz boux lauxsae son' gyaug Lij Haijyen)

Daxboh Nyaenma Ak Lai

了不起的狐狸爸爸

bouxraiz Lozwdwz·Dazwj bouxhoiz Cwz Fanghdingz
罗尔德·达尔 著 翟芳婷 译

(ciep geizgonq)

Nyaenma sienseng naeuz: "Bozgizswh, Banghswh caeuq Bijwnh cingq youq baihrog caj youq gaj raeuz, gou saengq mwngz rox giz neix."

"Gou rox, gou rox caen." Duzvanh simsaeng unqswnh naeuz.

"Hoeng raeuz mbouj dwg yaek vaih daengz lumj gyoengqde yienghhaenx, goj mbouj dwg siengj gaj dai gyoengqde."

"Gou caen mbouj maqmuengh yienghhaenx." Duzvanh naeuz.

"Raeuz fangzhwnz goj mbouj siengj gvaq yienghhaenx." Nyaenma sienseng naeuz, "raeuz dan dwg daj gizneix gizhaenx aeu di gijwn ndeu, yienghneix hawj raeuz caeuq daengx ranz raeuz lix roengzbae, deng mbouj?"

"Gou siengj raeuz dwg deng bik mbouj ndaej mbouj guh." Duzvanh naeuz.

"Danghnaeuz gyoengqde siengj yienghhaenx doegsieb, baenzneix couh caih gyoengqde siengj lo." Nyaenma sienseng naeuz, "raeuz youq lajneix dwg duz daihngaih maij soeng' yungz huzbingz."

Duzvanh gengz gyauej gvaq mbiengj ndeu bae, "beix nyaenma, gou maij mwngz."

"Gyo' mbai!" Nyaenma sienseng naeuz, "baenzneix raeuz seizneix laebdaeb vat roengzbae."


Haj faencung gvaqlaeng, aen nyauj naj duzvanh bungqdaengz cungj doxgaij geng bingzbingz ndeu.

"Neix dauqdaej dwg gijmaz?" De naeuz, "yawj hwnjbae lumj bangxciengz rin geng."

De caeuq nyaenma sienseng vat namh gvaq mbiengj ndeu bae, haenx dwg faj ciengz ndeu, yungh cien caep baenz, mbouj dwg yungh rin, faj ciengz neix couh youq baihnaj gyoengqde cingqcingq, lanz gyoengqde dwk.

"Dauqdaej dwg bouxlawz youq lajnamh caep faj ciengz ndeu ni?" Duzvanh cam.

"Ngaih lai lo." Nyaenma sienseng naeuz, "neix dwg faj ciengz ranz lajnamh ndeu, danghnaeuz gou guj ndaej deng, de couh dwg gij doxgaij gou ra."



Guhcaemz Mizyinx

好玩的游戏

Dangzgaghag, lauxsae daiq dou roengz lajlaeuz bae guhcaemz "song vunz sam ga buet".

Gou caeuq Lij Cwnz guh cuj ndeu. Vihliux ndaej hingz, dou leihyungh seizgan ciengz doxdax daih'it daej lienh buet.

Gou ra daej diuz cag ndeu, itmienh dawz ga swix gou caeuq ga gvaq Lij Cwnz cug doxcaez, itmienh naeuz: "Lij Cwnz, mwngz yaek ndeindei boiqhab gou bw! Yienghneix cij ndaej hingz."

"Ndei, gou itdingh ndeindei boiqhab mwngz." Lij Cwnz saengsim cibcuk dwk naeuz.

Song boux dou menhmenh byaij, byawz rox yamq daih'it couh ceng di deng laemx, aenvih gou ok ga mbouj cug haenx, Lij Cwnz cix ok ga deng cug haenx.

"Lij Cwnz ok ga mbouj cug gonq, caij ok ga deng cug, rox lwi?"

"Rox lo, raeuz haindu ba."

Dou youh laebdaeb lienh byaij, baezneix mbouj deng laemx lo. Song boux dou doxcaez heuh "it ngeih it ngeih" daej hawj dou engq dawzbanj. Dou gyavaiq yamqdin, byaij yied daej yied vaiq, doeklaeng gingqyienz buet ndaej lo. Song boux dou lienh sug le dungcoz, boiqhab dawzbanj, gyahaeuz ciengz doxdax daihngaih.

Daihgya cungj vudgen vudga, simgaenj yaek sawq.

"Cunjbei, buet!" Lauxsae sing hung hemq.

Daihgya yamq ga couh buet, gou caeuq Lij Cwnz hix vaiqviet buet bae coh baihnaj, haemq vaiq couh mauhgvag cuj daihngaih, youh mauhgvag cuj daihsam.

"Gayayou! Gayayou! Daihgya gayayou!"

Gig vaiq, miz cuj he gyaep hwnjdaej lo, gou cungj roxnyinh daengz raeblaeng miz vunz ajngaeb.

Gou doiq Lij Cwnz naeuz: "Gayayou, raeuz cunjbei yungh rengz cung daengz byai!"

Lij Cwnz yungh rengz ngaekngaek gyauej.

Dou vaiqviet buet bae naj fofu, sikhaek couh daengz giz satbyai lo, gou caeuq Lij Cwnz baez yat, yat gvaq diuzsienq satbyai lo.

Daihgya cungj gvaqdaej hoh dou ndaej daih'it, seizneix gou caeuq Lij Cwnz gaengq naiqnueknuek lo.

Baez guhcaemz neix sawj gou rox aen dauhleix ndeu: Mboujguenj guh gijmaz saeh cungj hag rox caeuq vunz dox boiqhab, yienghneix cijndaej dabdaengz giz yaek siengj bae daengz haenx.

(Ganhsuz Swngj Canghgyaconh Yen Sinhgen Siujoyz Swh Wnhcwz)